

آبونه شرائطی

داخلی و خارجی، هریرایچون

سنه لکی (۲۰۰)، آلتی آیلنی

(۱۳۰) فروشدر .

نسخه سی . فروش

سنه لکی ۵۲ نسخه در

اداره خانه

باب عالی جاده سنده اثر مخصوصه

اخطارات

آبونه بدلی به بندر

مسلكه موافق آثار مع المکتوبه

قبول اولور . درج ایدنه

یازیلر اعاده اولونماز

والله یهدی من یشاء الی صراط مستقیم

محمد عاکف

اشرف ارباب

آپچون اهدکم سبیل الرشاد

عدد : ۴۶۱

۱۲ جمادی الآخر ۱۳۳۸

بحسب

۴ مارت ۱۳۳۶

جلد ۱۸

کتابخانه

اخطارات

ادرس تبدیلیده آیریجه بهی

غروهی کوندولیدر

مکتوبلرک امضالری واضح

واو قوناقی اولنسی و آبونه صره

نومروسی محتوی بولنسی

لازمدر

ممالک اجنبیه ایچون آبونه اولارک

آدرسلرینلر انستوجده ده یا اولنسی

رجا اولنور

باره کوندولدیکی زمان نهیه دایر

اولنسی واضحاً بیلدیرلسی

رجا اولنور

اسلام قوتی، اسلام مدنیتی

انکلتزه خارجیه ناظری لورد کورزونک کچلرده ایراد ایتدیکی مشهور نطقنده شویله بر فقرده واره دی:

« بولردن ماعدا برده اسرار انکیز حرکت نظر دتکزی جلب ایدوم که بو حرکت اساسات دینه ایتدیکی زما (بای اسلامیزم)، ملیت اساسلرینه ایتدیکی زما (بان نورانیزم) شکنده تظاهر ایدیور. بو حرکت شرقی آتیزی اوزرنده دین تأثیراتی حائر اوله جقدر.»

بو فقره حقنده تصویر افکار رفیقیز دیور که:

(کورزون) که نطقنک اک مهم نقطه سی بودر و بو سوزلرله انکیز خارجیه ناظری شرق مسئله سنک اک اساسی و روحی قیسمنه بارماغی باصمیش اولیور. یک چوق دفعه لرسویلدک، که شرق مسئله سنک قطعی و سالم بر صورت حله اقران ایدمه مسنک باشلیجه سبی، شرقده اسلام قوتنک، اسلام موجودیتنک، اسلام تأثیر و نفوذینک اهمیتی تقدیر ایدلمه مسندن و بناء علیه شرقی مدنیتی یعنی اسلام مدنیتی ایله ائتلاف ایتنک اسبابنه تشبث اولونمه مسندن عبارتدر. مع التأسف اروپا رجال سیاسی سی و مدیران اموری ایچنده صوک زمانلرده بو حقیقی لایقوله احاطه ایتیش پلک آز کیمسه ظهور ایتشدر. لورد (کورزون) ایسه بو رجال ایچنده شرقده اسلام قوتنک فصل حائر تأثیر اولدیغنی ادراک و بونی بلا تردد اعتراف ایدن همان ایلک خارجیه ناظریدر دینلسه مبالغه اولماز.

شرقده الیوم بویوک بر انتباه دینی حاصل اولمشدر. بوتون اسلام اقوام، ملل ساثره کی کندی حق حیاتلری، حق استقلال و بقاری اولدیغنی ادراک ایتیش بولونیور و بو حق استحصال، استرداد و یا بقا خصوصند بکدیگرلرینه معین و ظهیر اولغه خواهشکر بولونیورلر. ایشته لورد (کورزون) که (اسرار انکیز) دییه توصیف ایتدیکی حرکتنک ماهیت حقیقی سی بوندن عبارتدر. بو حرکتنک اساسی انتباه تشکیل ایتدیکنه کوره نه غرب عالمی، نه ده عالم مدنیت ایچون اک اوفاق بر تهلهک بیله تشکیل ایدمه من. دائرة انتباه کیرمش اولان اسلاملرک اک بویوک املازی، غیرک حقوقنه تجاوز دکل، کندی حقلری محافظه ایدمک دنیا نک اک بویوک مدنیتی، مدنیت حقیقی سی اولان اسلام مدنیتی دائره مسنده انکشاف ملیلرینی تأمیندن عبارتدر. بویله غایه و مقصد تعقیب ایدن هر هانکی بر قوت، هیچ بر وقت عالم مدنیت ایچون مضر اولماز، بلکه اعظمی درجه ده مفید اولور.



کوردلر و اسلامیت

بغوص نویار ایله معهود شریف (پاشا) نک برلشهرک کوردلری جامعه اسلامییه دن آیرمق تشبث خاٹانه مسنده بولونقلری خبر آتیر آلیماز کرک بوراده، کرک کوردستانده کی بوتون کوردلر کال نفرته پروتستولرده

سلطان علیه الشان حضرتلری نامنک اعطاسنه مساعده سنی خلافتینای ارزان بویورلمی، ایضاحات مبسوطه دائره مسنده معامله یه مساعده ایدلمی خداوندکار ولایتیه تبلیغ اولمشدر؛ اوراجه ده امر و فرمان هابون حضرت بادشاهی منطوق منیفنک تمامیه تطبیقنه مساعده نتایج حاصله دن بیدری معلومات اعطاسی و بوایشک بردائرة رسمییه ویا بر مأموره حواله سیله اکثفا ایدلمه یه رک بالذات طرف هایلرندن تعقیب اولماسی خاصه تنفی اولنور. ۴ جاذبه الاخر ۳۳۸ — ۲۵ شباط ۳۳۶



بولشه ویکلک و اسلامیت

تعالی اسلام جمعیتنک غرته لرده کی استیضاحی مناسبیه «دارالحکمة الاسلامیه» رئیس حبی عونی افندی حضرتلری بولشه ویکلک اسلامیت نقطه نظرندن تدقیق و محاکمه سنی موضوع بحث ایدرک بیورمملره که:

— بعض غرته لرده بر استیضاح کوردم. فقط ینه تکرار ایدرم، بولشه ویکلک اساسات و مقاصد حقیقیه سی حقنده بزجه معلومات قطعیه و صحیحیه یوقدر. بو خصوصده بیان فکر ایدیه بیلیمک ایچون اول امرده اونلرک قانون اساسیلرینی اله ایتنک ایجاب ایدر. احتمال که تعالی اسلام جمعیتنک آئمه بوقیل و نائق قطعیه واردر. فقط بز بویله بر شینه مطلع اوله مادیق. بو خصوصده مسموعاه بنای حکم ایتنک بر مقام رسمی اولان «دارالحکمة» ایچون مناسب اوله مایه جنی البته تقدیر اولنور. باخصوص که اورادن مهاجرت ایدنلر مغارض فرقه دن بولونقلری جهته اونلرک سوزلریله نه درجه یه قدر احتیاج اولونه. بیله جکی ده بر مسئله در، اساساً اسلامیت کندی اساسات جلیله سنه مخالف اولان هیچ بر شینی موافق کورمه یه جکی طبعیدر. اگر بولشه ویکلک دینلری انکار ایدیورسه تثلیث و شرک معارض اولان اسلامیت بالطبع اونیه رد ایدر. بز کندی دین میمنزدن باشقه برشی طایفایز. صوکره بولشه ویکلرک عامل تفاق و افتراق طایفقلری ادیانک هانکی دینلر اولدیغنی ده بیلیمورز. حاصلی بوباده و نائق صحیحیه و قطعیه یی اله ایتدکجه، مسئله نکه اسلامیت و مسلمانیله تعلق بولونمادیقه کرک مقام مشیختجه، کرک دارالحکمة جه بر حکم بیان ایدیه مایه جکی طبعیدر.

اساساً بولشه ویزم مسئله سی اسلام آرهنده محدث ایتیش برشی دکدر. بو، مسلمانیلق خارجنده بر مسئله در. خرستیانیلق طائفده ظهور ایدن بو مسئله نک مرجع حلی خرستیانیلق ریاست روحانیه سیدر. اونک ایچون اسلام آرهنده بویله بر مسئله محدث ایتدکجه استیضاحلره قالدیشمق طوغرو دکدر.